



Tunijauvia Ublua: <b>June 25, 2021</b>	Aulapkaidjutinga Ublua: <b>Tajjaunnuaq</b>	Munaqtiujut Timiqutit: <b>Havagviat Nunalingni Kavamatkunnilu Pivikhaqautikkut</b>	Atuqqujaujuq Nappaa: <b>830</b>
Nakataa: <b>Munaqhijut Akiliqtakhanik</b>			
Atuqqujaujuq Atia: <b>AMIGAQHUUTAUNUT AKILIQTAKHAT</b>			

## 1. ATUGAKHAQ

Kavamatkut tunihiniaqtut kiinaujanik ikajuutikhanik imaatut qajakkuutilikhutik uqaqtaukpattamainni imaaluuniit ilainni nunangini Nunavunmi maliqaplugit ukuat *Amigaqhurnaqtunut Qanuriliurutikhanut Maligaq*. Tamaita amigaqhuutaujunut akiliqtakhat ihuaqtumik angirutikhanik.

## 2. KANGIQHIDJUTAA

### Amigaqhuutaujunut

Tadja naunaiqtauhimaliqqan imaaluuniit naunaiqhimaliqqan qanurilinnianik imaaluuniit qanuriliujuqaqata nakuuhuirutaulajumik imaaluuniit akhut aannialirnaqtumik, qajangnaqtumikinungnut imaaluuniit hungirnaqtunik imaaluuniit ahirruutaukpata piqutainut.

## 3. ATUQQUJAUJUQ

Kavamatkut tunihiniaqtun kiinaujanik ikajuutikhainik maliqalugit Inuit inujuhiini atuqniqaqtut ukuallu Inuit Qaujimajatuqangit imaatut qajakkuutilikhutik uqaqtaukpat Ministanit CGS-kut imaaluuniit hamlatkut katimajiinit. Ikajuutikhat tunijaujukhaq maliqalugit ukuat *Amigaqhurnaqtunut Qanuriliurutikhanut Maligaq* imaalu ihuaqtut atugakhat havaktauhimajut CGS-kunit. Tamaita akiliqtakhat pidjuttauhimajut nakuunikut taffumunga akiliqtakhait pidjutiqaqtut naunairiikhimajunik uvani amigarnaqhijumik qajakkuutilikhutik imaaluuniit amigarnaqhijumik nunamingi qajakkuutilikhutik pidjuttaulajunik uumani atuqqujaujumi.

Una atuqqujaujuq atuqtukhaq tamainnut kavamaujut timinginut imaalu inungnutlu havagvinnut.

## 4. MALIKTAKHAT

- 4.1. Minista munarijaqaqtuq Nunalingni Kavamatkunillu Pivikhaqautikkut (CGS) pittaaqtuq, ititiraqhimajumik, uqariijaqtuq amigarnaqhimajumik qajakkuutilikhutik tamainni imaaluuniit ilangani Nunavunmi maliqajunik s.11 uumani *Amigaqhurnaqtunut Qanuriliurutikhanut Maligarmi*.
- 4.2. S.12 uumani *Amigaqhurnaqtunut Qanuriliurutikhanut Maligaq* pitqujahimajuq Ministaujuq ukunani CGS-kuni ihuarigumigit tamaita qajakkuutigijauhijumut uumani uqariijakhimajumik qajakkuutilikhutik ihuaqhijut naunaqhitikhatik tamna qajakkuutigijaujut huli imaaluuniit qajangnarunaqhijut.
- 4.3. Uqariijakhimajumik imaatut amigarnaqhimajumik qajakkuutilikhutik nunguuvikhaqarniaqtuq 14ni ubluni piliuqtauhimavianit hivittunariqqat imaaluuniit taimaaqtauqpat. Ministaujuq CGS-kuni hivittuqtaakta uqariijaut itqumajumik uminga amigarnaqhimajumik qajakkuutilikhutik hivtuniqaqtumik imaatut 14ni ubluni atauttikkut.
- 4.4. Titiraqhimajuq s.13 uumani *Amigaqhurnaqtunut Qanuriliurutikhanut Maligarmi*, Ministaujuq CGS-kuni pittaaqtut, hivtuuningani amigaqhuutaujunut, qanuriliurutikhanik imaaluuniit maliktakhaliurlutik ihuarijamingnik pijariaqarumik. Tunihilutik amigaqhuutaujunut maningmik pijukhauniarunaqhijut atulirnikhanut hapkuat maliqajakhangit.
- 4.5. Maligaliurvingmi katimatitlugit, CGS-kut pijariaqaqtut amigakhuutaujunut ihuaqtumik maligakhamik piliurlutik maniit angiqtaudjutikhanik taffumunga amigaqhuutaujunut maniliqtuutikhanik havagviujut maniliqtulimaitpajuk atuqtakhaliuqhimajumit maniit angiqtaudjutikhanik malikhugit ukuat s.44 uumani *Kiinajaliqinikkut Auladjutikhanut Maligat (FAA)*. Maligaliurvingmi katimangitpata, CGS-kut pijariaqaqtut akhuunaqtunun atuqtaujuqhat maliqajunik uumani s.33(1) uumani *FAA* unalu *Kiinajaliqinikkut Auladjutikkut Maliktakhangit (FAM)* Atqujaujuq 303 Akhuunaqtunun Atquqtaujuqhat.
- 4.6. S.45(2) uumani *FAA* uqautigihimajait ilaujariaqangittut amigaqhuutaujunut imaalu tuniplugu Ministaup Tuglia CGS-kuni atanniqtuidjutikhanik piinariaqilutik kantrakhamik pijariaqalirlutik qilamik tuniuqhailutik manikhanik pittailinahuarutikhanik inungnut piqutainik amigaqhuutaujunut.
- 4.7. Kitutliqaak maniit atuqtauhimajut talvanga maniit angiqtauhimajut kiudjutikhanut amigaqhuutaujunut hivuagut atulirnikhanut akhuunaqtunun atuqtaujuqhat akiliqtaujuqhat talvanga amigaqhuutaujunut maniliqtuutikhanik maniit angiqtauhimajunit.

- 4.8. Tamaita amigaqhuutaujunit akiliqtakhat titiraqtaujukhat maliqalugit ukuat Kanadian kavamatkunni havagviinni maniliqidjutikkut atugakhat (PSAS) tunijauhijumut Kavamatkunni Havagviinni Kiinaujaliqinirmut Katimajit Kanadami imaalu maliktakhait ihuaqtumik kiinaujaliqinirmut unniudjutikhat atuqtakhangit.
- 4.9. Hapkunani amigaqhuutaujunit maniliqtutikhanik tunijauhijumut pingahuanni ilaujunit, maliqajukhaujut ukuninga FAM Atuqqujaujuq 880 Pingahuangujunit Manikhautinut Angirutit.
- 4.10. Amigaqhuutaujunit maniliqtutikhanik tunijauhijumut ukunanga akhuunaqtunun atuqtaujukhat imaaluuniit amigaqhuutaujunit manit angiqtauhijumut maliktakhat naunaiqtauhijumut amigarnaqhijumik qajakkuutilikhutik imaaluuniit nunamingni amigarnaqhijumik qajakkuutilikhutik atuqtaujukhangittuq aallanut pidjutiqatunut.
- 4.11. AAllatqiiktut akiliqtakhat ukuallu kitutliqaak hanajariikhijumut atukkiutikhat imaalu aallat akiliriaqaqtut pidjutiqatut ilanginut pidjuthauhimaittut, hivitujumut ajuqhautauniaqtuq tapkunanga amigaqhuutaujunit pidjuthaulimaittut tapkununga atuqqujaujumut. Hapkuat akiliqtakhat ihuaqhaqtaujukhat uvani manit atugakhat pivallianirmik havaktautitlugit. Tamaita upalungajikhijumut nutaat imaaluuniit ihuaqhaqhimajut atukkiutikhat, kaantrakhat imaaluuniit aallat kiinaujaliqinirmut ihuaqhaqtauhijumut aktuutaulajut Kavamatkut atukkiutainut kiglikhanik tujuutaujukhat Kiinaujaliqinirmut Munaqhijikhat Katimajit angiqtaujukhat maliqalugit FAM Atuqqujaujuq 890 Ataniqtuqtuijut Munaqhijullu Kavamatkut Atukkiutikhait Kiglikhat.
- 4.12. Kavamatkut niurvinnikkut mut imaalu kaantulaaktittijullu maliktakhangit ihuaqhaqtauhijumut uvani *Nunavummi Nangminiqatunik Ikajuuti Atulirnikhanut Maligarmi*, Nunavummi Nangminiqatunik Ikajuuti Maliruagakhat, Kavamatkut Kaaantulaaktittijut Maliruagakhat unalu FAM Atuqqujaujuq 808 atuqtauhimmaqtut huli aulladjutaani amigarnaqhijumik qajakkuutilikhutik. Atuqtakhat kivgaqtuidjutikhat qilamik pijariaqaqtut, imaalu kinguvaigumidjuk amirnarniaqtuq inungnut pijumajainut, tunijaulajurlu atuqhimaittumik akiraqtuidjut havauhikhat malikhugit ilangani 8 uumani Kavamatut Kaantrangit Maliruagakhangit.
- 4.13. Havagvait Kiinauyaliqijilluap uqarviuniaqtuq ihuaqhautikhainik ajuqhautaujunit naunajaititlugit ihuaqtumik kiinaujaliqinirmut katitirniinik akiliqtukhanik maliqatijunik ukuninga PSAS (e.g. akiliriaqaqtut, akitujunit akiliqtaujut).



---

MANILIQINIRMUT TITIRALIQINIQ  
MAPIRAAT

---

